

鄱縣志卷之四

炎陵

帝紀 陵廟 建置 大祀
時祭 祭碑 勝蹟 雜說

志家家墓一類例繫統載茲獨專志一陵別所尊也我

朝會典煌煌凡

歷代帝王陵寢一有慶賀大典頒布

恩詔必遣官分行告祭每歲仍令有司春秋致祭而湖南鄱邑

與甯遠禮典一體同舉其間山川蔥鬱樵牧罔經規制堂

皇典物明備例不得畧茲故挈綱分目咸與類聚庶遂古

神靈與區與

鄱縣志

卷之四

炎陵

聖代崇德報功至意開卷睹之為快云

帝紀

包犧氏沒神農氏作斲木為耜揉木為耒耜之利以教

天下蓋取諸益日中為市致天下之民聚天下之貨交易

而退各得其所蓋取諸噬嗑疏正義曰此一節明神農取

卦造器之義神農氏姜姓也母曰任已有嬌氏女名曰女

登為少典正妃游華山之陽有神農首感女登於尚羊生

炎帝人身牛首長於姜水有聖德繼无懷之後本起烈山

或稱烈山氏在位一百二十年而崩納奔水氏生帝臨魁

凡八代及軒轅氏也易註疏



炎帝氏以火紀官故爲火師而火名註炎帝神農氏姜姓之祖也亦有火瑞疏炎帝身號神農代號也譙周考古史以爲炎帝與神農各爲一人非服虔云炎帝以火名官春官爲大火夏官爲鶉火秋官爲西火冬官爲北火中官爲中火以天文有大火鶉火卽云春爲大火夏爲鶉火其餘何故直以西北名火也此皆虛而不經故不可採用左傳註疏其帝炎帝疏正義曰何允云春秋說文炎帝號大庭氏下爲地皇

夫禮之初始諸飲食其燔黍捭豚汗尊而抔飲蕢桴而土鼓猶若可以致其敬於鬼神註中古未有釜甑釋米捭肉

鄆縣志

卷之四

炎陵

帝紀

二

加於燒石之上而食之耳疏正義曰伏羲爲上古神農爲中古五帝爲下古此云中古者謂神農也知者以明堂位云土鼓蕢籥伊耆氏之樂又郊特牲云伊耆氏始爲蜡是報田之祭則於時始爲田也今此云蕢桴土鼓故知此謂

神農也

禮記註疏

外史掌三皇五帝之書疏按孝經緯云三皇無文今云三皇之書者三皇雖無文以有文字之後仰錄三皇時事故云掌三皇之書楚靈王謂左史倚相能讀三墳五典八索九邱彼三墳三皇時書周禮註疏皮弁服註以白鹿皮爲冠象上古也疏謂三皇時以白鹿

皮冒覆頭鈎領繞項至黃帝則有冕時以五帝爲大古以

三皇爲上古也

儀禮註疏

元酒在西註元酒不忘古也疏謂神農時雖有黍稷未有

酒醴則神農以上以水爲元酒也

儀禮註疏

炎帝號曰大庭氏傳八世合五百二十歲

春秋命歷序

其教如神使民粒食故天下號皇神農

春秋命歷序注

神者信也農者濃也始作耒耜教民耕種美其德信濃厚

若神故爲神農也

禮舍文嘉

神農修德作耒耜地應之以醴泉神農就田作耨天應之

以嘉禾

禮舍文嘉

鄱縣志

卷之四

炎陵

帝紀

三

神農建丑商亦建丑宗神農

禮稽命徵

神農以十一月爲正尙赤

禮稽命徵

神農氏琴長三尺六寸六分上有五絃曰宮商角徵羽又

增二絃曰少宮少商

廣雅

洪範八政一曰食二曰貨二者生民之本興自神農食足

貨通而教化成

漢書

神農之教日有石城十仞湯池百步帶甲百萬而無粟勿

能守也

漢書

神農求雨書曰春夏雨日而不雨甲乙不雨命爲青龍又

爲火龍東方小童舞之丙丁不雨命爲赤龍南方壯者舞

之戊己不雨命爲黃龍壯者舞之庚辛不雨命爲白龍又爲火龍西方老人舞之壬癸不雨命爲黑龍北方老人舞之如此不雨命巫祝而暴之如此不雨神仙積薪擊鼓而焚之路

炎帝以火德代伏羲治天下其俗樸重端慤不忿爭而財足無制令而民從威厲而不殺法省而不煩於是南至交趾北至幽都東至暘谷西至三危莫不從其化在位一百四十年崩於長沙之茶鄉

綱鑑

庖羲氏作八卦神農重之爲六十四卦黃帝堯舜引而伸

鄱縣志

卷之四

炎陵 帝紀

四

之分爲二易至夏人因炎帝曰連山殷人因黃帝曰歸藏文王廣六十四卦著九六之爻謂之周易

帝王世紀

神農使岐伯嘗草木興醫療病

帝王世紀

昔者神農之治天下務利之而已矣不望其報不貪天下之財而天下共富之不以其智能自貴於人而天下共尊之

越絕書

神農之世卧則居居起則于于民知其母不知其父與麋鹿共處耕而食織而衣無有相害之心此至德之隆也

莊子

神農之播穀也因苗以爲教

淮南子

昔神農氏繼宓犧而王天下上觀法於天下取法於地於

是削桐爲琴練絲爲絃以通神明之德合天地之和桓子新論

古者民茹草飲水采樹木之實食羸蛇之肉太平御覽引蛇作蚌時

多疾病毒傷之害太平御覽引疾作疹於是神農乃始教民播種五

穀相土地宜燥濕肥瘠高下嘗百草之滋味水泉之甘苦

令民知所避就當此之時一日而遇七十毒淮南子

蓋聞傳書曰神農憔悴堯瘦臞舜黧黑禹胼胝由此觀之

則聖人之憂勞百姓甚矣淮南子

神農氏弦木爲弧剡木爲矢弧矢之利以威天下其後蚩

尤強暴好習攻戰銷金爲刃割革爲鉀而兵遂興矣劉勰新論

炎帝神農氏姓伊耆名軌一曰石年是爲後帝皇君炎精

鄱縣志

卷之四

炎陵

帝紀

五

之君也母安登感神於常羊生神農於列山之石室生而

九井出焉初少典取於有蟠氏是曰安登生子二人一爲

黃帝之先襲少典氏一爲神農是爲炎帝炎帝長於姜水

成爲姜姓其初國伊繼國耆故氏伊耆長八尺有七寸宏

身而牛頤龍顏而大脣懷成銓戴玉理生三辰而能言五

日而能行七朝而齒具三歲而知稼穡般戲之事必以黍

稷日於淇山之陽求利民宜久食之穀而藝之天感嘉生

菽粟誕荅爰勤收拾剛壤地而時焉已則釐牟五子偕至

神農灼其可以養民也於是因天之時分地之利墜音土

嗟藉穢燒櫟暗埒音野以教天下播種嗣瓜瓞之實而省

殺生之儆始諸飲食烝民乃粒惟生亡德威若古政於是
師於悉諸九靈學於老龍吉祖其高矩以致於理受火之
瑞主於熒惑故以火紀時焉於是修火之利范金排貨以
濟國用因時變燥以抑時疾以炮以燔以爲澧洛謂木器
液金器腥聖人飲於土而食於土於是大埏埴以爲器而
人壽官長師事悉以火紀故稱炎焉肇迹列山故又以列
山厲山爲氏列厲通頌若天命正氣節審寒暑以平蚤晚之
期謂人之生太倉爲主而太倉穀爲主天下萬物亡以易
於穀於是耨木爲耜橈木爲耒跣音拂窮髮跋芄野制晦清
剛分龍斷而戒之耕然後六穀臚以供粢盛而給軍國爰

鄆縣志

卷之四

炎陵 帝紀

六

布國禁春夏所生不傷不害謹修地利以成萬物亡敘軋
字人所務而農得以順其時教之麻桑以爲布帛相土停
居令人知所趨避乃命赤冀創埴鐵爲杵臼作耜耨錢鎛
相音錯鬻井竈以濟萬民燿盍音精剗音割以蒸以菴音寤民始播
食而不勝音星故爲政曰惟天生民惟君奉天惟食喪祭衣
服教化一歸於政林林生人亡亂政典又設教曰民爲邦
本貪爲民天農不正食不充民不正用不衷士丁壯而不
耕則受其饑女當年而不織則受其寒不貴難得之貨不
器無用之物是故耕不彊者亡以養其生織不力者莫以
蓋其形有餘不足各歸其身是故亡十倍之賈倍稱之民

士力耕而女力績力歸於上而功被於下歲守十三三年
與少半成歲三十一而國有十一歲之儲有以利下而不
足以傷民乃制爲之數一穀不登損一穀穀之法十倍二
穀不登損二穀穀之法倍十蕞夷疏蒲之亡食者與之塵
亡種者貸之新農夫敬事力作故天毀地凶旱洪竝作而
亡有入於溝壑乞請者時其時以待天權也是以年穀順
成衣食足而禮義興姦邪不作亡制令而民從聚金貨通
有亡列廛於國中爲市制天下之民聚天下之貨交易
而退各得其所而有亡於是俱興神而化之使民宜之故
天下號曰皇神農謂亂時不殖亂氣作沴乃紀上元調氣

朔以端啓闕拂焄蒿辟尸隰以逃民害三朝具於攝提七
曜起於天關所謂大初歷也乃命司怪主卜巫咸巫陽主
筮於是通其變以成天地之文極其數以定天下之象八
八成卦以酬酢而侑神以通天下之志以斷天下之業謂
始萬物終萬物者莫盛乎艮艮東北之卦也故艮以爲始
所謂連山易也故亦曰連山氏謹時祀盡敬而不斲喜挹
春間焚封豨塊桴土鼓以致敬鬼神而上下達矣悼澆泊
閔愚憇於是問於春乙小子曰上古之人壽過百歲後世
不究天年而有殂落之咎獨何氣使然邪小子曰天有九
門中道最良乃稽太始說玉册磨蜃鞭芟察色齷嘗草木

而正名之審其平毒旌其燥寒察其畏惡辯其臣使釐而三之以養性命而治病一日之間而遇七十毒極含氣也病正四百藥正三百六十有五著其本草過數乃亂乃立方書命僦貸季理色脉對察和齊摩踵詭臆告以利天下而人得以繕其生粵又制請雨之法蓋南置水掩骼埋鬻以待天澤之至赤松子者諸侯也移老穰城於是下之致爲雨師剽剽民食形盡悴而不顧每歲陽月盍百種卒萬民蜡戲於國中以報其歲之成故祭司嗇山林川澤神示在位而主先嗇饗農及郵表啜禽獸貓虎水防昆蟲而祝之曰土反其宅水歸其壑昆蟲亡作草木歸其澤葦籥土

鼓榛杖喪殺既蜡而收民息已年不順成之方其蜡不通以謹民財也惟不順成則厭禮而婚條風至則合其亡夫家者以蕃其民是故滄鹵作而人民毓教化興行應於桴鼓耕桑得利而究年受福乃命邢天作扶犁之樂制豐年之詠以薦釐來是曰下謀制雅琴度瑤瑟以保合大蘇而閑民欲通其德於神明同其蘇於上下於是神澧瀆嘉穀苗乃命屏封作穗書以同文攷合命白阜度地紀脈水道窾木方竹杭潢洋而有亡達遂甄四海紀地形達山川林藪所至而正其制於是辨方正位經土分域處賢以便勢於以相用而寄其憾近國地廣而遠彌小負海之邦率三

在地國土相望羆狗之聲相聞以大用小繇中下外猶運指建旣而王者以家焉乃課工定地爲之城池以守之后歲省方觀民設教月省時攷終歲獻功以時嘗穀祀於明堂補遂不供乃伐補遂而萬國定爰崇郊祀封岱禪云以大報而天下治襲九窾種九愨提挈形氣而搏捥乎剛胸以窾領天下是故萬物百族皆有經紀條理不以物之壞自成也不以人之卑自高也不以遭時自利也一上一下而浮游乎萬物之祖故其民璞重端慤有善而亡惡虛素以公希聲若退樂與政爲政樂與治爲治是故威厲而不試謂賞在於成民之生賞誠設矣然施於人而天下化謂

政亡有棄法而成治法誠遠矣然刑罰不施於人而俗善不忿爭而財足不勞形而成功因天地之資而與之和同任賢使能故官利則而賢者歸是以天下共尊共富之懷其仁義之心神不越於胸中智不出於四域知其自守其黑是故求死而不得後其身而先外其身而存其神不國其鬼不神亡隅亡適而天下正南交北幽三危暘谷偃僂之人靡不戾止天不牟其道地不愛其寶故黃龍川泳丹渠陸產風不鳴條雨不破塊亡札瘥沈疔之患氓人猶劫窪尊白飲竦身戴聽以陶乎至化唯亡共胥之怒而不聞王役之搖故人皆惡其死而尙其生是以唐堯敷言朕之

比神農猶昏之於鼃且也而鬼說者猶以爲夫負妻戴以
有天下是相率而爲僞者也惡足以言人道邪都於陳蓋
宇於沙是爲長沙崩葬長沙茶鄉之尾是曰茶陵所謂天
子墓者有唐嘗奉祀焉太祖撫運夢感見帝於是馳節奠
求得諸南方爰卽貌祀時序隆三獻惡感盛德百世祀至
神農亡以尙矣我宋火紀上協神農豈其苗裔邪何誰昔
之夜神交萬載而乃丕揚於今日與在治百四十有五祀
年百六十有八亦謂赤帝其崩也天下之人爲之不將者
七日納承桑氏之子子十有三人贊曰火德開統連山感
神謹修地利粒我烝民鞭菱嘗草形神盡悴避隰調元以

鄱縣志

卷之四

炎陵 帝紀

十

逃人害列屢聚貨吉蠲染盛夷疏損穀禮義以興善俗化
下均封便執虛素以公威厲不試弗傷弗害受福耕桑日
省月攷獻功明堂天不愛道其鬼不神盛德不孤萬世同

仁路
史

政典曰惟天生民惟君奉天惟食喪祭衣服教化一歸於
政皇曰我惟生無德咸若古政嗟爾四方之君有官有業
乃父乃子乃兄乃弟無亂於政昔二君始王未有書契結
繩而治交易而生亦歸於政昔在天皇肇修文教始畫八
卦明君臣民物陰陽兵象以代結繩之政出言惟辭制器
惟象動作惟變卜筮惟占天皇氏歸氣我惟代政惟若古

道以立政皇曰正天時因地利惟厚於民民惟邦本食惟
民天農不正食不豐民不正業不專惟民有數惟食有節
惟農有教林林生人無亂政典政典曰君正一道二三凶
臣正一德有常吉時正惟四亂時不植氣正惟和氣亂作
竊官正惟百民正惟四色正惟五惟質惟良病正四百四
藥正三百六十五過數乃亂而昏而毒道正常過政反僻
刑正平過政反私祿正滿過政反侈禮正度過政反僭樂
正和過政反流治正簡過政反亂喪正哀過政反游干戈
正亂過政反危肆正貨過政反邪譏禁正非過政失用皇
曰嗟爾有官有業乃父乃子乃兄乃弟咸若我辭一歸於

鄱縣志

卷之四

炎陵 帝紀

十一

正皇曰君相信任惟正相君備位惟忠相官統治惟公官
相代位惟勤民官撫愛惟仁官民事上惟業父無不義厥
子惟孝兄無不友厥弟惟恭夫不游妻不淫師不怠教不
失刑者形也形爾身道者導也導爾志禮者制也制爾情
樂者和也和爾聲政者正也正其事墳形

炎陵初志云神農氏伊耆路史謂初國伊繼國者故合稱伊
耆氏而世謂堯生伊長孺家姓伊祁又以堯與神農俱火
德王遂謂堯為神農子孫故姓伊耆世紀云慶都寄於伊
長孺家堯從母所居為姓靈臺碑言昔者慶都兆會穹精
氏姓曰伊則伊其母姓爾不得稱謂伊祁也路史亦云帝
堯陶唐氏姬姓以為姓伊耆者妄禮記郊特牲註伊耆氏
古天子號明堂位註伊耆氏古天子有天下之號周禮秋
官伊耆氏註伊耆氏古王者號後王識前王之舊德而以
名官未明言神農也疏以神農始為田事遂實指伊耆氏
為神農或且云神農伊耆一代總號而隋唐以來蜡祭

分神農伊耆為二著尊皆二籩豆各四神農之幣以赤伊耆之幣以黑則不知以伊耆為何帝也至宋始以神農伊耆者除壇上伊耆位而專祀神農已

初志又云許行為神農之言朱子註為其言者史遷所謂農家流也程子謂稱述上古之事失其義理者耳猶陰陽醫方稱黃帝之說也原不聞有成書逮前漢藝文志載有神農二篇神農兵法一篇神農大幽五行二十七卷神農教田相土耕種十四卷神農黃帝食禁七卷神農雜子技道二十三卷隋經籍志載有神農五臟論一卷神農本草經三卷宋藝文志載有神農五臟論一卷神農食禁一卷與夫三墳之形墳三易之連山易其書似多存於世顧神農二十篇漢書注謂六國時諸子疾時怠於農業道耕農事託之神農師古曰劉向別錄疑為李悝及商君之說以是而推諸書亦多偽託者耳惟考外紀炎帝作方書以療民疾靈樞云余私覽諸方則方書始自神農無疑世紀神農本草四卷羅萃曰梁七錄有之昔樓護嘗誦一經本草是也故唐藝文志所載神農本草有雷公集撰四卷陶宏景集註七卷至今此書猶傳

鄱縣志

卷之四

炎陵 帝紀

十二

陵廟

炎帝神農氏陵

在縣西三十里史記帝崩長沙之茶鄉

即邑西康

樂鄉宋羅泌路史云帝葬長沙茶鄉之尾是曰茶陵所謂天子墓者有宋太祖夢感見帝於是馳節覓求得諸南方圖

經云炎陵今在麻疑陂林子疑木茂密數里不可入石麟石

馬兩杉蒼然逾四十圍輿地紀勝云炎帝墓在茶陵縣南

一百里康樂鄉白鹿原乾德五年始訪得衡湘稽古云宋

割茶陵地為鄱縣隸衡州府故今鄱縣康樂鄉有炎陵舊

志云雲秋拱峙泚水環流結構周嚴氣象開朗形家謂其

脈絡發於粵東之南華延袤益千里云

脈絡發於粵東之南華延袤益千里云

舊志按 炎陵自宋太祖訪求以來詔禁樵採置守陵五戶竝近陵小戶除一稅外免雜徭開寶四年詔置守陵七戶景德元年又詔禁樵採建隆元年詔以郡國置戶以守隳毀者修葺之至紹興十四年衡州守臣劉清之奏給近隳七戶守視禁其樵牧宜復建廟給戶如故事淳祐八年湖南安撫使知潭州陳韓再言從之明洪武三年命陵寢發者掩之敝者葺之有司禁樵採設陵戶二人守視均詳載宋明禮志迨我

朝

欽定大清禮律凡歷代帝王陵寢不許於上樵採耕種及牧放

鄱縣志

卷

炎陵 陵廟

十三

牛羊等畜所在有司當嚴其禁以護之乾隆二年奉

旨設立守陵戶四名歲給工食銀二十四兩故陵山周二里許古木陰翳煙雲出沒盛夏生寒洵數千載神靈棲託之幽宮也以視雲陽盤鬱空嗟少昊之揄衡嶺崔嵬莫覓祝融之崩不大異哉雖戴笠持火之夢其說未免失誣然陵山自是歸然獨著而祀典於以罔替已

節錄宋羅泌史紀太昊宅東少昊宅西炎帝居南顓帝居北子嘗證之矣亡西冬周益公退舍歸首以炎陵事來訪謂三皇五帝並君中原炎帝之墓無因在南方即疑為偏據者予曰不然古之聖人惟與天地合必於我者無一毫之不盡則示之後斯悠久而不渝後世聖人取之於古必其所履能合於天地動靜曲盡而無媿者然後執之視以為則苟在我者一毫之不盡則推之於彼彼將厭棄而不繼矣盛德在火不刊之祀其帝炎帝其神祝融此實司南

方者是故炎帝墓茶鄉而祝融墓於衡山

殿制

宋 乾德五年建廟奉祀以祝融配置守陵戶太宗時致祀官覆舟憚險奏立殿縣南隅以承大祀此殿廢荒淳熙十三年仍移陵側今去殿左數武其故址也輿地勝記

明 嘉靖三年知縣易宗周乃卜於其右址拓而新之名聖容殿殿外建高閣寬廣如殿閣下為陛道中為丹墀縱橫數丈東西廡各三間前列三門周環垣牆內有大道繞

閣循牆行而後達於陵萬厯朝重修東閣學士吳道南碑記天下之生久矣而

聖問出焉帝其上古之聖乎方之孔子其揆一也耒耜開衣食之源而教化可興醫藥甦沈痾之命而生聚日衆屢

鄱縣志

卷之四

炎陵 陵廟

十四

帝前民間之用而農末相資其功德之太不已著與帝不生開闢以前而皇初事業藉帝代終帝不生唐虞夏商以後而萬世事業藉帝肇始微帝則所稱明天地之道定干支之分辨晝夜別九區構巢鑽燧以佃以漁與夫八卦之畫其奚所託以傳哉則夫啟其端於後者又可知已子與氏曰自生民以來未有盛於孔子也又曰孔子聖之時者也惟時故孔子之謂集大成繇斯以談因時制治不亟其所緩不緩其所亟自生民以來若天下者未有盛於炎帝者也謂帝聖之時也可謂帝集帝之大成也可攷少典之君取有嬌氏女生帝於厲山石室名曰石年以火德王天下彼言生於鄱之康樂鄉崖陰山者妄已而陵固在鄱也厯世既久古跡遂湮迨宋太祖登極遍訪古陵求之弗得忽夢一神人戴笠持兩火訴血食之不具者久詰朝訪問羣臣有測其為帝者遣使南來至長沙嶠梁嶺遇老人指示果於嶺下十里許白鹿原得帝陵焉古所稱茶鄉之尾者在是陵據上游佳氣蔥鬱精爽不磨夢中之人蓋即嶠梁所遇之老人老人蓋即帝之靈乎爰命立廟陵前肖像而祀無論春秋有司匪懈而朝廷遣官齋香帛詣陵致祭三歲一舉率以為常猗與盛哉念今日距帝世幾千百年凡旱潦癘疫有禱輒應是何帝之愛育黔黎樂災捍患至

於今而猶然惓惓也顧民之生也以帝而安而帝之靈也以廟而安聽其風雨剝蝕日就頽壞甚者是邑者能無惻然今鄴令予友也觀棟宇之非故思帝德而難忘請於當道捐俸鳩工一起而更新之壇壝雖因而廟貌頓改思聖人也報功德也抑爲鄴之民與楚南之民祈福也鄴合甚盛心已事竣以鄴邑縉紳之請徵言於予予自遊南宮進司政柄時與今上商摧古今上嘉下樂代不乏君論及帝輒再三歎賞曰若爲君盡君道法炎帝氏而已蓋道術宗尼山治術宗炎帝異地皆然也予神遊太古景仰陵山不虞今日千里外有是記之役也其或帝之靈默啟鄴令而有是記之役也耶辱命躍然齋宿記之令鐫石以垂永久萬曆四十八年庚申

國朝順治四年遭逆弁蓋遇時其子世雄統兵駐殿側蹂躪無忌毀拆木板蔽營勢幾頽圯九年內院侍讀白謙先奉勅祭告時紅寇方熾未能親詣其地乃望祭於衡之江東岸厥後隨時補葺一康熙三十五年太僕寺少卿王紳致祭見

鄴縣志

卷之四

炎陵

陵廟

十五

棟宇摧敗

題請修理知縣龔佳蔚監督訖工仍未完善 雍正十一年知縣張浚奉文動支

國帑恢廓基址照 部頒式構造前三門平列中爲午門左

右戟門門內有丹墀左右兩廊疊樹歷代告祭文碑墀上有臺中爲 御道兩旁三陛上爲行禮亭亭上有小丹墀

丹墀上爲正殿中爲 御道左右三陛祭官升降由之亭

左右各有門行禮後禮官引祭官焚祝帛於陵出左門入右門自正殿至午門各九陛長二十餘丈濶五丈殿高三

丈三尺周匝垣墻高一丈許咸堊以丹右爲一總門出入

乾隆嘉慶道光間經知縣周仕魁麥連林愈蕃沈道寬屢修嗣因風雨剝落磚瓦并裂年久將圯道光十七年知縣俞昌會詳請

上憲咨

部題准率邑紳周本鎬霍作相唐湘英等照舊制倡修重建

知縣俞昌會重修陵廟記曰晉皇甫謐纂帝王世紀言宓
義葬南郡炎帝葬茶陵少昊葬雲陽而茶陵之為炎陵始
著唐代嘗奉祀至五季而中輟宋興太祖感夢覓求而得
乃以乾德五年建廟於康樂鄉之鹿原坡而寢廟繇是興
焉太平興國中將事官憚舟行之險奏從就茶陵縣詔移
於縣南去縣五里而陵側之廟中廢矣淳熙十三年守臣
劉清之乞以陵側唐興徹寺為廟始復近陵嘉定四年析
茶陵之康樂霞陽常平三鄉置鄴縣於是陵始在鄴元明
二代廟未之或更也嘉靖萬歷中屢修葺我朝順治四
年故明孽之部曲蓋遇時屯兵廟側撤其壁柱為已營蔽

鄴縣志

卷之四

炎陵

陵廟

十六

而廟凋殘不支矣康熙三十五年使臣王紳入廟致祭疏
瞻殿屋閔其摧敗難以奉尊靈成大禮入告於朝下所
司及府縣使縣令龔佳蔚督工修理蓋屢完備尙未如式
也雍正十一年縣令張浚告於大吏請國帑廓廟壝召
工謀材始克更張如式廟前三門午門中戟門左右門內
墀墀左右廊廊中歷代祭文之碑在焉墀內臺臺前御
道左右陸臺內行禮亭亭內墀墀內殿殿前御道左右
陛使臣之所由升降也亭左右門以通於陵自殿至午門
修二以十餘丈博五丈殿高三丈有六尺午門之外環陵廟
而繚以周垣垣高一丈所敷而墀之以丹丹垣之右一門
凡入瞻陵寢者靡不由斯已廟之前有崇德之坊焉陵之
北有天使之館三焉館之前有宰牲之亭焉廟之右有奉
聖之寺焉皆前代之所創製訖世廟時而猶存者有奉
廟以來百餘年矣暑歷推移風雨頽蝕土之朽於垣墉者
十以木之朽於者然也奉聖之寺又甚焉若天使之館崇
廟以時繕完者然也奉聖之寺又甚焉若天使之館崇
德之坊宰牲之亭故蕩然已余以丙申之歲始涖斯邑修
其秩祀展謁陵下觀斯頽落弗驛於哀迺進邑之士大夫
而謀焉咸驩然樂致其貲實以丁酉之孟夏經始至十月
而落成凡宰牲之亭崇德之坊皆重建而不易其址十月

使之舊館則逼近湓流慮其蕩析弗可以因乃營於舊館之北託諸崇阜先是陵之北有飛香亭味草亭傾覆已久鄴縣沈道寬令斯邑構而成之更築詠豐臺焉至是亦十年矣無不歎廢爰暨陵廟與奉聖之寺皆重新之規制如舊更高且廣焉林木茂密古榭轟然益以雕甍畫棟藻井玉璫輝映乎其間洵美觀也間嘗盤山海經墨子呂氏春秋史記漢書畢覽諸書記先代帝王之家墓詳且備矣而炎帝不與焉至王象繆纂皇覽司馬貞謂記先代之陵墓宜皇王之省覽故曰皇覽則於冢墓宜尤詳而炎帝之墓亦無聞焉是漢以前無有言炎帝葬處者至晉而始顯沿至於唐司馬貞尚能言之逮考路史炎帝紀言太祖撫運感夢見帝於是馳節曼求得諸南方爰即貌視時序隆三獻則至唐末五代復失炎帝陵寢之處矣夫古帝王之墓置守戶禁采牧起寢廟時祭醴宜昭乎人之耳目世守之而何至於時顯時晦時著錄時汝閭毋亦守土者崇奉守護之不謹而學士記述搜討之不勤與余因是懼故既修陵而記其巔末書之貞珉凡董役助貲之士具鐫別石道光戊戌歲

建置附

鄆縣志

卷之四

炎陵

建置

十七

奉聖寺在陵廟右

舊名陵寢寺

衡州府志

宋創殿時置守陵五戶供洒掃

明嘉靖戊午里人於殿旁建寺以住持僧代洒掃役榜

曰奉聖寺

國朝康熙間知縣汪曾垣龔佳蔚先後共捐置糧田壹十五

畝六分八釐僧碧葛住持傳至僧祥林僧小定皆重修焉

乾隆十四年知縣覺羅舒甯批准新墾田二畝二分新開

土六畝六分以給寺僧縣志乾隆十七年僧徒復募修

訓導舒而相重修奉聖寺碑記寺名奉聖者何神農氏沒葬於鄆之康樂鄉鹿原坡是寺附於旁有趨承之義故名之或謂邑宰遵朝廷令典歲春秋祀之國有大慶必遣官祭告奉亦至矣何必寺曰不然帝之葬於斯禁樵牧

翦荆棘非一日矣至朝夕司掃除供香火則必有是寺而後奉之事無缺奉之禮益虔此寺之所由設而名之所由起也且帝以火德王葬於南方精爽憑焉邑之民水旱疾疫必禱禱必應顧禱於寢廟則已褻禱於寺如民呼籲於九閭之外而其情得達乎至尊又歲時有事於陵有司得是寺以托處焉敬而不即於慢聖之至奉之至也斯寺又安可以一日而或無哉今春恭逢大祀予得與執豆籩見墻垣傾圮風雨不蔽愀然久之適寺僧以更新請翌日謀之邑宰欣然有同志夫帝之粒食萬世流澤長矣鄙之樂善好義良不乏矣誠能以集腋之謀而為眾擎之舉寺之新可計日待也而豈必勸以福田之種動以果報之說而後懽然從事也哉乾隆十七年壬申孟冬月

道光十七年知縣俞昌會率邑紳捐貲重修

附載奉聖寺田

地名與老志不符茲據陵戶遵示開載

三都楊梅塘二羊四墀二楓城背一共苗一畝

皇山背苗二畝五分額租南坪田三坵苗六方額租壹

鄰縣志

卷之四 炎陵

建置

十八

石洲上苗七方額租壹石 坳下高坵苗壹畝玖方租叁

林家壠田叁坵苗五方租 羊四墀苗貳畝壹方租肆石

槽水湖原苗壹畝額租貳 上羊四墀苗貳畝貳方租肆

水閣上苗柒方額租壹石 二南坪大塘冲苗柒方租壹

產溪晒茅坪苗陸方租壹 都產溪土練腦苗貳方五厘租

產溪土練腦田三坵苗壹

胡真官祠在 炎帝廟旁以年久廢 縣志 炎

國朝道光十七年知縣俞昌會率邑紳等捐貲勸建廟旁并

置廂房一楹附近諸生每年肄業其中 元虞集青霞觀記

幼學於青霞觀及為觀主則雍熙間矣州舊有炎帝陵廟 在康樂鄉一夕大風雷雨廟漂去別有巨木千百積廟旁

胡請於郡守以建陵廟迨胡沒後真宗好道家言夢胡以鄉里姓名謁見請佐炎帝之廟覺而使有司物色之啟其棺惟一履存焉詔爲立祠炎帝廟旁賜皮弁青圭絳服朱履號曰感應真官景定中以靈顯封顯佑真人

天使行臺尚在陵北距陵廟數十丈平列三所中爲

欽差大祀官齋居左右爲陪祀官齋居舊志前明兵燹後

鞠爲茂草

國朝重構焉後因河水逼近遺址無存每逢

大祀守士官踰道十餘里假館民房爲下榻所 道光十七年

知縣俞昌會率邑紳等捐貲營於舊館之北相天地落脈處仍地勢審基址周而平原山下良田數十畝河水環抱左雲秋峯右白鶴峯對峙中爲主祭 欽差館左右爲陪

翻縣志

卷之四

炎陵

建置

十九

祭隨員館前有東西轅門鐘鼓樓由儀門至中堂一連四進左右六級升階置廊最上爲官廳樹以屏左右廂房橫敞十數間可憇胥吏度書札行李旁有倚南軒軒南有臺咸豐五年粵寇入境被毀待修

崇德坊在 炎帝廟前 明天啟時知縣莊大化建久圯

國朝道光十七年知縣俞昌會率邑紳等捐貲重建

宰牲亭在 天使館前大祀時祀俱於此宰牲至今頻圯

頻修

時祭公館在奉聖寺右

國朝雍正間知縣張浚建中一廳左右官房二間廚房一間

久圯每春秋時祭守土官齋宿奉聖寺 道光十七年知
縣俞昌會率邑紳等重建堂廳廂房俱備寺旁敷楹爲禮
生及執事齋宿所

大祀

凡遇

國家大慶舉行典禮

欽派官員告祭

炎帝神農氏陵於湖南衡州府酃縣大清會典

炎陵舊志按禮部則例告祭 歷代帝王陵寢并 嶽鎮

海瀆 關里共六十處而湖南 炎陵 舜陵 南嶽與

伏義氏陵 商高宗陵 周世宗陵 顓頊陵 帝嚳陵

商中宗陵 漢光武陵 宋太祖陵 太宗陵 真宗陵

酃縣志

卷之四

炎陵

大祀

二十七

仁宗陵并 中嶽 淮瀆 濟瀆十七處共派官一員

先期禮部開列侍郎以下四品以上堂官職名題請

欽派致祭

欽派官員內有奉

旨簡放外差另行開列奏請

欽派如致祭未畢遇有事故者奏請

勅下該省督撫於副都統總兵內擬派就近致祭祭畢報部

欽命告祭官員起程欽天監擇日告祭官前一日齋戒屆期赴

部禮部堂官將致祭香帛祭文交與該員並於禮部大常

寺筆帖式內酌派一員齋送其致祭日期會同地方官選

擇禮部則例

致祭品物地方官備禮部行文該處總督巡撫查照並鈔

錄儀注禮部則例遵行

告祭官至該處各官朝服出部跪迎地方官恭奉

御祭文香帛安置龍亭內迎至公所中堂各官行三跪九叩首

禮擇定祭期告祭官前期致齋三日地方官備鼓樂儀仗

行一跪三叩首禮迎

御祭文香帛龍亭由午門入至祭所 欽差官及陪祭各官吉

服由東戟門入行一跪三叩首禮湖南通志

祭期前一日告祭官省饌醴省畢省牲執事者牽牲過香

鄱縣志

卷之四

炎陵

太祀

二十一

案前省畢告祭官與陪祭官或道或府或府佐俱退入朝房序坐

地方官詣宰牲亭監視宰牲畢率禮生二十五名各照位

次序立請演禮 通贊二 引贊四 司籥一 司爵三

司盥洗二 瘞毛血五 司香二 奉帛一 讀祭文一

歌樂章二 跪獻二告祭官陪祭官俱立朝房門觀演禮

演畢赴 殿觀陳設祭器祭品次日質明行事炎陵初誌載禮生瘞

毛血止用三引贊六司尊二司爵九跪獻四歌樂章六別

有掌鼓一合通贊讀祝盥洗司香司帛共三十九人第大

祀禮司香司爵司帛則派鄱縣及常寧安仁等縣教官或

值考試時教官有事則委雜職先期演禮時用禮生演耳

祭日四鼓地方官率禮生各執事人陳設祭器祭品牲俎

樂工陳樂器訖各齊集廟門外待事五鼓告祭官陪祭官

各朝服詣廟門外下輿步行由東戟門進入朝房序坐執事人聲鼓鼓三嚴告祭官陪祭官出就位行禮照部頒儀

注禮畢退由西戟門出

司訓彭之曇祀典考按邑志自宋太祖感戴笠持火之夢始知帝陵所在給守陵戶命有司致祭以祝融配高前此帝陵無聞祀亦弗及曇云不然史載火德王有火瑞以火名官故曰炎帝周官小宗伯兆五帝於四郊王肅註道以五帝為人帝其說未為盡非帝王世紀曰炎帝位南方主夏月令曰南方曰炎天其帝炎帝乘離執衡而治夏其神熒惑其佐祝融此則司南天主朱明者即帝非有二也又古明堂祀五帝必配以五人帝從以五人臣祀夏配神農從祝融周禮春官以赤璋禮南方鄭註禮南方以立夏謂赤精之帝而炎帝祝融食焉舜帝南巡狩至於南嶽如岱禮柴望秩於山川後皆望祀三代準而行焉周官所載未聞祀歷代帝王於山陵也唐永徽二年致祀明堂以高祖配五天帝太宗配五人帝後世非周之祖是用噍之以為郊議者謂帝功德配天固宜而非周之祖是用噍之以為

鄱縣志

卷之四

炎陵 太祀

二十二

不類秦始皇出遊雲夢望祀虞舜於九疑蓋緣前者伐木赭山至此而悔過耳上制天子諸侯祭因國之在其地而無主後者註曰所建國之地因先代所都故墟也今無主祭之子孫以其有功德於民不絕其祀故或於曲阜或於陳祀因其國也唐天寶間勅三皇五帝創業垂範宜有欽崇神農以祝融配牲用少牢春秋致祀唐紀曰此祀三皇之始前此堯舜各祭於所都之地至是併三皇立廟焉由此觀之三皇自唐虞以來聿有常祀或主何嘗廢祀哉蓋要之炤耀乎南紀伏靈於嶽岫者近是帝何嘗廢祀哉蓋古聖之功德惟帝最大故後世之報高惟帝最隆至若陵祭昉自近古宋志古者無墓祭秦漢以降始有其儀前此者典固缺焉而五帝之祀未嘗少湮此其較著者也閱經五代代類多割據一方幅幘未廣又卜世幾何奚暇舉此大典失祀固宜迨宋祖踐祚制作方新於登極二年詔先代帝王陵寢宜令所屬州府遣近戶守視其冢墓有墮壞者亦加修葺乾德四年詔太昊炎帝以下十有六帝各給守陵五戶長吏春秋奉祀其所云見夢者果於何年耶曹操以篡得國而亦列於成康漢文之間朱溫篡弒其君而亦獲與於景武无憲之列乃以斲揉耒耜范金排貨之聖人願等於泰厲之鬼無所依歸幻影示形以求血食乎

傳史無徵傳語鄙陋其不出於學士大夫之口也明矣宋
人熊禾議以為三皇五帝道德功言載之六經傳在萬世
其祀典宜領於學官明宋濂曰果如禾言則道統益尊三
皇不汨於醫師太公不辱於武夫矣惜未果行洪武初年
即建帝王廟於南京雞鳴山之陽以祀一統之世創業之
君於陵廟既命有司歲時修葺以春秋仲月上甲日致祭
又三年一次出祝文香帛遣太常寺樂舞生齋牲所在命
有司主之凡遇國家慶典則特遣官牲用大牢祭不以時
我禮成有祀告災有祀政有祀平瀆有祀萬壽有祀祔
廟禮成有祀告災有祀政有祀平瀆有祀萬壽有祀祔
以驛牲典至渥矣復於每歲春秋禮部先期擇吉頒示有
司遵奉時祭罔敢懈弛詩曰敬恭神明宜無悔怒禮曰祭
不欲數又曰祭不欲疏是故合諸天道人情仁之至
教之本也

陳設

紫降香一

裹以龍袂祭則陳而蒸之

沈速香一

裹以黃帛土有印信祭亦陳而蒸之

鄱縣志

卷之四

太祀

太祀

二十三

綾壽幣一

裹以龍袂表曰禮神之帛祭畢焚於陵前

祭器

爵九

俎三

登一

鉶二

簠二

簋二

籩十

豆十

筐一

罇七

祭品

牛一

黃色牡牛少而角周正

豕一

羊一

以上用俎三

太羹

煮肉汁不用鹽醬用登一

和羹

以豬腰羊膂肉造和以五味用鉶二

黍

稷

稻

梁

以上用

形鹽 用白鹽作虎形
鱈魚 乾魚也

棗 栗

榛 菱

芡 鹿脯

白餅 熬稻曰白
黑餅 熬黍曰黑以上十品
用籩盛之

韭菹 醯醢 碎猪肉和鹽酒料調

菁菹 鹿醢 有骨曰醢 無骨曰醢

芹菹 兔醢

筍菹 魚醢

脾析 用牛百葉切細條 沸湯撈過鹽酒拌
豚拍 取豚肩肉生用以 上十品用豆盛之

鄆縣志 卷之四 太祀 二十四

燭九品 大二寸圍長九寸餘塗以朱飾金籠於其上

舊志按祭禮內則盡志外則盡物小物美物及陰陽之物 莫不求備矧逢

國家慶典伸欲格於古帝王之陵廟乎第以鄆邑僻處荒

陬昔麋鹿成羣告祭時於牛羊豕之外又別具一鹿俎今

則蟠瓜絕跡即饔豆之鹿脯鹿醢亦不能備猶幸麋鹿有

可獵取遂以麋鹿代之至菱芡菁之類不生於土故辨

名者亦罕且楚南惟知種稻而黍稷粱三種從無樹藝者

又柔以備闕舊例凡值天使遙臨地方官預遣胥役購辦

各物有不能得者以他物代惟務豐潔而不敢稍褻則所
以昭盛典而享神靈也盡矣

樂章 部頒

迎神

天生人兮養未及猗

大帝兮立人極分 草食兮烝民粒世永賴兮祀無斃

皇有命兮報神功猗

大帝兮駕青龍降壇壝兮鑒微衷

初獻

涓吉日兮辰良浴菲躬兮蘭湯佩玉鳴兮幣帛將祭如在

兮心皇皇

亞獻

夜登壇兮未央奠桂酒兮椒漿肴烝薄兮薦芬芳

神昭昭兮來洋洋

終獻

紛揚枹兮拊鼙疏緩節兮安歌貳用缶兮心靡他擬陳詞

鄱縣志

卷之四

禮樂

二十五

兮續猗那

受胙

君德昭彰兮禮祀

古皇上溯五帝兮下逮哲王欽承厥命兮代

天薦揚佩玉鳴珂兮執帛奉璋駟若有孚兮裊禋輝煌公輔介

祉兮祿壽靡疆

徹饌

具粢盛兮惟虔設果蔬兮惟涓報

大帝兮功如天福我民兮成豐年

辭神

維元元兮生不息安飽煖兮誰之力

聖德深兮孰能測人思功兮孰能絕歷萬歲兮薦蒸嘗

靈皇皇兮降中央擁紅雲兮馭丹鳳焱回翔兮天茫茫

存留經費

炎陵大祭該銀貳拾壹兩叁錢陸分叁釐叁

毫內除丁缺無徵銀兩實徵銀壹拾伍兩柒錢玖分叁釐

肆毫壹忽肆微柒塵捌纖貳渺肆漠陸茫玖沙肆漂於乾

隆二年奉文添設守陵戶四名工食將前項銀兩支給

墊支請領款項

炎陵大祭改給守陵戶四名丁缺銀伍

兩伍錢陸分玖釐捌毫玖絲捌忽伍微貳塵壹纖柒渺伍

漠又赴司請領尙不敷足額銀貳兩陸錢叁分陸釐

鄱縣志

卷之四

炎陵

太祀

二十六

附錄大祀禁科派示

國朝乾隆二十七年

衡州府知府饒

為飭禁事照得該縣地處邊陲素少差

務惟遇祭大典應需夫役及供應食物等項不得不取辦

於本境但宜照時發價不容科派累民茲訪該縣從前辦

理差務僱夫工價多寡無定承辦書役因而從中扣剋且

聞每里議設一人名曰幹辦凡一切應用食物悉令幹辦

取備以致藉端科派并向各舖戶索費銀數錢至兩餘不

等當此功令森嚴豈容種種擾累該縣廉潔素持固知自

愛但恐書役朦混滋弊合亟飭禁為示仰縣官吏嗣後

凡遇欽差告祭之期僱募夫役每名每日給錢四十往返程途
計日給發如有守候每日每夫給米一升錢五文當堂按
名給發不得假手書役致滋扣剋凡一切供應食用等項
悉照市價公平購買不得短價科派至每里幹辦名色永
行革除不許復設如不法書役藉端需索及科派累民情
弊一經查出或被告發書役則嚴拿重究官則詳揭請叅
該縣仍即勒碑示禁將碑摹送查無違

祭式圖

帝位

燭燭燭燭燭燭燭燭

爵爵爵爵爵爵爵爵

銅和羹 登太羹

簋稻

梁

豕

燭香

籩棗 栗 榛 菱
形鹽 薨魚
羊

芡 鹿脯 白餅 黑餅

燭香

韭菹 醢醢

豆菁菹 鹿醢 芹菹 兔醢

筍菹 魚醢 脾析 豚拍

祝

鄮縣志

卷之四

炎陵 大祀

二十七

時祭

每歲春秋仲月諏吉守土正印官一員致祭執事以禮生

陳設 帛一 爵九 銅二 簋二 簋二 籩八

豆八 酒樽一 羊一 豕一

儀注 致祭前一日正印官齋戒率禮生執事生省牲條

器屆期正印官朝服前後行三跪九叩首禮中間三獻飲

福受祚俱與祀 文廟禮同惟無樂舞

祝文

維

帝功高當時澤垂後世

陵廟所在仰止益虔茲屆仲春謹以粢盛醴齊用伸禱祀

尙饗

乾隆九年知縣吳嗣正捐置祭器
錫簋二 錫簋二 錫花瓶二 錫燭臺二 錫爵盞三
錫盤二 錫毛血盤三 錫毛沙盆一 黃龍帳一 簾
錫酒樽二 錫龍勺三 左右銅二 龍棹圍一 載舊志

存留經費

炎陵春秋二祭原額銀貳拾兩內除丁缺無徵銀兩實徵銀壹

拾肆兩柒錢捌分伍釐伍毫肆絲肆忽柒微貳塵貳纖陸

渺陸漠陸茫又攤派出銀捌錢玖分舊志

墊支請領款項

炎陵春秋二祭丁缺銀伍兩貳錢壹分肆釐肆毫伍絲伍忽貳

鄱縣志 卷之四 炎陵 時祭 二十八

微柒塵柒纖叁渺叁漠肆茫舊志

附載衡州府通判謝允文陪祀 廟遣臣行報功之典於

今上

親率六師克勦噶爾旦凱旋告 廟遣臣行報功之典於

州檄允文陪祀是夜漏未盡十刻就道出朝陽門東渡湘

河疎星在天零露溥溥晨光漸起廬落比屬掩映人目行

此行者戒心以是得名下岡徐行芊疇蔬畦雜以鳧茈菱

芡樵子牧豎以手而觀饁婦田夫瞪目注視少府日田家

之樂如是乎此古聖王生民粒食之遺也薄暮止接官亭

翌朝度九岡嶺羣峯卓立四望古木千尺攢翠凌雲時有

老樹自石罅中出擎攫飛騰千態萬狀逾嶺原隰臚臚霜

楓灼灼流霞夾路蓋安邑山城也喪亂之後甫見太平酒

闌燈炮追談往事為之咋舌鷄鳴促轡事非朝臣待漏役
非甲士戍征橘綠橙黃正足酣茲遊興一峯一盤一溪一
曲山勢益奇峭林樹益茂密風出樹間柯葉摩挲調調刁
刁如耳琴筑踰大石嶺嶄峩斗絕諸峯或偃或坐或危如
欲墜或合而復分賈奇獻異不一其狀輿人力殆舍車而
徒緣石磴捫蘿薜俯首磬折如鳥學飛老鬣蒼藤膏人衣

袂而泱流淙淙陰木蔭其巔幽草綠其趾窅然淒然不敢
逼視出谷由張家坪行數十里日馳輕烟鐘聲遠出樹杪
與眾壑水聲相應答停輿僊山蕭爽聞寂清氣可沐惜無
朗月散步竹房以助清興也自登程四日由穿山至大風
嶺回首前矚謂非揮翼不可到者皆培塿耳其下視郵野
人物猶蟻壤也歷嶽崑坐盤石峯回徑仄澹旋而登者橋
頭嶺也下峻坂行十餘里涉沫江日入三商抵康樂鄉山
花種種金間玉錯芬香刺鼻而風籟禽言皆足騁懷娛目
大抵南北既分土壤斯異如雁門岱嶺山如灰色草木亦
無粹容寰內稱大華雄尊五老秀削茲山兼有焉是日到
陵四山拱衛嘉木異草蔥蒨濃郁秋高氣爽不燥不寒日
入宿行館樹聲翛然自眾壑來覺境愈清思愈遠少府譚
論往古更相晰難詰且謁陵觀禮遂登鹿原坡蹒跚而上
片雲東起絮帽乍披如阿閃國僅一現頃刻即易則雲秋
峯也兩黃楊山如旗纛森列間以綠樹映以朱曦臨以丹
崖翠壁諸峯羅列渾若兒孫遠岫參差有如眉黛輕烟一
抹淡遠而畫筆難傳飛泉百道噴濺而客衣欲濕披襟豁
目不啻身在畫圖間也吏白翼日朔昧爽朝服行事屆期
少府詣盥洗所陳設俎豆雍容肅穆必敬必誠予追隨班
列與斯大典誠甚幸焉禮畢易冠服撤騶從仍訪歸道舍

鄱縣志

卷之四

炎陵時祭

二十九

輿乘舟少府招過畫舫相與促膝兩山翠色與波光蕩漾
俯瞰江水清瑩可鑒毛髮石子如樗蒲可數間以菰蒲翦
翦鳧鷖泛泛嘯風激霧於其中輒相對忘勸少府每發清
論可令人作十日想覺揮塵捫蝨古人不得專美於前矣
舟行三十里遵陸返衡次日登石鼓山拜七賢祠湖延平
勉齋之學瞻諸葛容論當年調賦軍實之事步合江亭憑
眺鴈峯花藥之勝少府負大夫之才饒濟世之具會心得
句意興軒舉人咸目為翩翩仙子也少府為天子侍從
臣方倚以匡扶世道以此相况殊為不倫噫嘻自乾德迄
今七百三十載矣代有常祀而記述寥寥今得少府窮歷
山川詳考故實山靈殆亦快然謂得知已也是役也計程
五百計日一旬如宗少文畫四壁彈琴動操眾山答應如
阮遙集誦郢景純詩泓擘蕭瑟實不可言如王子敬從山
陰道上行山川映發使人應接不暇在昔軒輶所過大蘇
主於宣上行德而不必盡達下情迂緩養名以畢乃事少
府獨能延訪人物考證古今傑句鴻篇臚陳入告俾文
得列名簡末其榮寵為何如乎夜央月上盪漿蒸湘吾家
康樂句云掛席拾海月新月真可拾耳篷窗記此其遊咏
篇什具次左方康熙三十六年丁丑孟冬

祭碑

明祭文碑

明以前不可攷

洪武四年遣官國史院編修雷燧致祭 告易代也

朕生後世爲庶民於草野之間當有元失馭天下紛紜乃乘羣雄大亂之秋集眾用武荷皇天后土眷祐遂平暴亂以有天下主宰庶民今四年矣君生上古繼天立極作蒸民主神功聖德垂澤於今朕典百神之祀考君陵墓在此然相去歷年久遠朕觀經典所載雖切慕於心奈秉性之獨愚時有今古民俗亦異仰惟神聖萬世所法特遣官奠祀修陵聖靈不昧尙祈鑒納

鄱縣志

卷之四

炎陵

祭碑

三十一

永樂中遣官翰林院編修楊溥致祭 告靖難也

仰惟神聖繼天立極功被生民萬世永賴予嗣承大統祇嚴祀事用祈祐我國家永底昇平

宣德中遣官翰林院修撰會鶴齡致祭 告即位也

仰惟自古聖神繼天立極德被蒸民垂範無窮萬世永賴予祇承天序式修明祀用祈佐我邦家

正統中遣官行人司行人雷復致祭 告即位也

仰惟前古聖神繼天立極潤澤生民功在萬世予恭承大統祇嚴祀事用祈鑒佑永祚我國家

景泰中遣官尙寶司少卿朱禮致祭 告即位也

前古聖神繼天立極功被生民萬世永賴予嗣承大統
祇嚴禮事用祈祐我國家永底昇平

天順復辟遣官尙寶司卿凌信致祭 告復位也

粵惟自古帝王聖神挺生繼天出治爰立人極功德之隆延
於永世茲予復正大位祇嚴祀事恭祈靈貺佑我邦家

永臻熙皞

成化中遣官中書舍人解禎亮致祭 告卽位也

仰惟自古聖神挺生繼天立極宣著人文功化之隆惠利萬
世茲予纘承天序式修明禮用祈鑒佑祚我邦家

宏治中遣官翰林院編修于材致祭 告卽位也

鄱縣志

卷之四

炎陵

祭碑

三十一

仰惟前古聖神繼天出治德邁千古功被蒸民予纘承天序
爰正祀典恭祈昭格永奠我邦家

正德中遣官太僕寺少卿何孟春致祭 告卽位也

仰惟前古聖神挺生憲天立極功化之隆萬世永賴予承大
統式嚴明祀祈鑒精忱永祚我邦家

嘉靖中遣官翰林院編修尹襄致祭 告卽位也

仰惟帝王聖神挺生前古繼天立極宣著人文功化之隆惠
利萬世茲予纘承天序式修明祀用祈鑒佑永祚我邦家

隆慶中遣官太常寺少卿王凝致祭 告卽位也

仰惟帝王聖神挺生前古繼天立極宣著人文功化之隆惠

利萬世茲予祗承天序式修明祀用祈鑒佑以祚我國家
萬歷中遣官吏科給事中張楚城致祭 告卽位也

惟聖神挺生繼天立極德被黎元垂佑之隆萬世永賴茲予
承天休命履震繼離式修明祀用祈歆格永佑邦家

郡藩桂端王致祭文碑

於惟 神靈挺生遂古開物成務立極繼天功參二儀澤

垂萬世予祗承藩位明祀式修仰惟鑒歆永綏運祚

按明史本傳諸王世表桂端王常瀛神宗庶七子萬歷二十九年封天啟七年就藩衡州崇正十六年獻賊陷衡州王由永州入蒼梧十七年薨此碑正立於就藩之初者也

國朝順治九年遣侍讀學士白允謙致祭 告卽位也

鄞縣志

卷之四

炎陵

祭碑

三十二

自古帝王受天明命繼道統而新治統聖賢代起先後一揆
功德載籍炳如日星朕誕膺

天眷紹續丕基景慕前徽圖追芳躅明禋大典亟宜肇修敬遣
專官代將牲帛爰修殷薦之誠用展儀型之志伏惟格歆尚

其鑒焉

康熙七年遣官宗人府府丞高珩致祭 告親政也

自古帝王繼天立極功德並隆治統道統昭垂奕世朕受
天眷命紹續丕基庶政方親前徽是景明禋大典亟宜肇修敬

遣專官代將牲帛爰昭殷薦之忱聿備欽崇之禮伏惟格歆

尚其鑒焉

康熙二十一年遣督捕理事官魏雙鳳致祭 告平滇也
自古帝王受天顯命繼道統而新治統聖賢代起先後一揆
成功盛德炳如日星朕誕膺

天眷臨制萬方埽除兇殘廓清區宇告功古后殷禮肇稱敬遣
專官代將牲帛爰修禋祀之忱用展景行之志仰冀明靈鑒
茲誠悃

康熙二十七年遣官詹事府少詹事舒書致祭 告

祔廟禮成也

自古帝王受天明命御宇膺圖時代雖殊而繼治同道後先
一揆朕承眷祐臨制萬方稽古禮文肅修祀事茲以

鄱縣志

卷之四

炎陵

祭碑

三十三

皇祖妣孝莊仁宣誠憲恭懿翊天啟聖文皇后神主升祔
太廟禮成特遣專官代將牲帛虔修禋祀之典用抒景行之忱
仰冀明靈鑒茲誠悃

康熙三十五年遣官太僕寺少卿王紳致祭 告爲民祈

福也

自古帝王繼天出治道法兼隆莫不慈惠嘉師覃恩遐邇朕
勤恤民依永期殷阜邇年以來郡縣水旱間告年穀歉登蚤
夜孜孜深切軫念用是專官秩祀爲民祈福冀靈爽默贊溥
樂利於羣生尙鑒精忱俯垂歆格

康熙三十六年遣官詹事府少詹事巢可托致祭 告靖

邊也

自古帝王受天景命制治綏猷必禁暴除殘以乂安黎庶緬
惟徃烈道實同符朕欽承

帝社臨御九圍茲以狡寇跳梁親征漠北蕩滌寇氛廓清邊徼
永消兵革以與普天率土樂育太和敬遣專官代將牲帛昭
告古先哲后虔修禮祀式彰安攘之模用展景行之志仰企
明靈俯垂鑒高

康熙四十二年遣官通政司左通政張格致祭 告
五旬萬壽也

自古帝王繼天立極出震承乾莫不道洽寰區仁周遐邇朕

鄱縣志

卷之四

炎陵

祭碑

三十四

欽承丕緒撫馭兆民思致時雍常殷惕厲茲四十餘載今
歲適屆五旬宵旰兢兢無敢暇逸漸致民生康阜世運昇平
頃因淮黃告成親徃巡歷再授方畧善後是期覩民志之歡
欣滋朕心之軫恤遄回鑾馭大沛恩膏用遣專官敬修祀典
默贊邽隆之治益宏仁壽之休尙鑒精誠俯垂昭格

康熙四十八年遣官通政司左通政戴璠致祭 告
復儲也

朕惟自古帝王正位臨民代有令德是以高祀千秋用昭鉅
典朕仰荷

天休俯臨海宇建立元良歷三十餘載不意忽見暴戾狂易之

疾深維

祖宗宏業及萬邦民生所係至重不得已而有退廢之舉嗣後漸次體驗當此大事時性生奸惡之徒各庇邪黨借端搆覺朕覺其日後必成亂階隨不時究察窮極始末因而確知病源皆由鎖鑿亟爲除治幸賴

上天鑒佑平復如初朕比因事耗損心神致成劇疾皇太子晨夕左右憂形於色藥餌必親寢膳必視惟誠惟謹歷久不渝令德益昭丕基克荷用是復正儲位永固國本特遣專官敬申殷薦尙其歆格

康熙五十二年遣官通政使司左參議陳汝咸致祭 告

鄱縣志

卷之四

炎陵

祭碑

三十五

六旬萬壽也

自古帝王繼天出治建極綏猷莫不澤被生民仁周寰宇朕恭膺寶曆仰紹前徽夙夜孜孜不遑暇逸茲御極五十餘載適當六旬初屆所幸四方寧謐百姓乂和稼穡歲登風雨時若維庶徵之協應爰羣祀之虔修特遣專官式循舊典冀益贊雍熙之運尙永貽仁壽之休俯鑒精誠用垂歆格

康熙五十八年遣官翰林院編修惠士奇致祭 告

禘廟禮成也

自古帝王受天景命建極綏猷垂萬世之經常備一朝之典禮朕欽承

帝祉臨御九圍夙夜惟寅敬將祀典茲以

皇妣孝惠仁憲端懿純德順天翼聖章聖后神主升祔

太廟禮成特遣專官代將牲帛用展苾芬之敬聿昭禋祀之虔
仰冀明靈尙其歆格

雍正元年遣官都察院左副都御史金應璧致祭 告

卽位也

自古帝王繼天出治建極綏猷莫不澤被生民仁周海宇惟
我

皇考峻德鴻勳媲美前古顯謨承烈垂裕後昆朕以藐躬纘膺
大寶當茲嗣位之始宜修享祀之儀特遣專官虔申昭告惟

鄗縣志

卷之四

炎陵

祭碑

三十六

冀時和歲稔物阜民安淳風遍洽乎寰區厚德長敷於率土
尙其歆格鑒此精誠

雍正二年遣官都察院左副都御史楊汝毅致祭 告

配享禮成也

自古帝王體天立極表正萬邦愷澤遍於寰區仁風及於奕
禩朕丕承大統遙契曩徽茲於雍正元年十一月二十五日
恭奉

聖祖合天宏運文武睿哲恭儉寬裕孝敬誠信功德大成仁

皇帝主配享

圖丘禮成特遣專官虔申昭告惟冀永贊修和之治益昭

之休鑒此精誠尙其歆格

乾隆元年遣官大常寺少卿雅爾呼達致祭 告卽位也

禮崇祀典光俎豆於前徽念切景行薦馨香於往哲維

帝繼天建極撫世誠民豐功焜燿於簡編駿烈昭垂於宇宙

湖典型於在昔凜法鑒之常存朕以藐躬繼登大寶屬膺圖

之伊始宜展祀以告虔特遣專官祇遵彝典苾芬在列備三

獻之隆儀靈爽式憑仰千秋之明德尙其歆格永錫鴻禧

乾隆二年遣內閣學士兼禮部侍郎吳金致祭 告

配享禮成也

自古帝王憲天出治建極綏猷德澤洽於萬方軌範昭於百

歸縣志

卷之四

炎陵

祭碑

三十七

世朕纘承鴻緒景仰前徽茲於乾隆二年四月十六日恭奉

世宗敬天昌運建中表正文武英明寬仁信毅大孝至誠憲

皇帝至配享

圜丘禮成特遣專官虔申昭告惟冀永佑雍熙之盛益昭安阜

之隆庶鑒精誠尙其歆格

乾隆十四年遣官大理寺少卿陳世烈致祭 告

中宮攝位晉

慈寧徽號也

自古帝王繼天建極撫世綏猷教孝莫先於事親內治必兼

於安外典型在望緬懷至德要道之歸景慕維殷心希武烈

文謨之盛茲以邊徼救甯中宮攝位

慈甯晉號慶洽神人敬遣專官用申殷薦仰惟歆格永錫鴻禧

乾隆十七年遣官大理寺卿李世倬致祭 告

慈甯萬壽晉

徽號也

曰惟帝王憲天作極受籙承休教孝莫先於事親歛福用光
乎繼治是彝是訓緬懷至德要道之歸壽國壽人允展錫類
推恩之盛茲以

慈甯萬壽懋舉鴻儀敬晉

徽稱神人慶洽爰申殷薦特遣專官冀鑒茲忱永綏多福

歸縣志

卷之四

炎陵

祭碑

三十八

乾隆二十年遣官大理寺卿羅源漢致祭 告平定準噶

爾晉

徽號也

朕惟帝王建極乘時綏猷馭世制臨無外德威之服遠者神
教化有源孝道以尊親為大景典型於在昔實天經地義之
丕昭宏佑啟於方來惟文治武功之交凜茲以平定準噶爾
大功告成加上

皇太后徽號神人洽慶中外蒙麻敬遣專官用申禋祀伏惟鑒

格

乾隆二十五年遣官禮部侍郎程景伊致祭 告平定回

部也

朕惟帝王建極綏猷經文緯武誕敷德教仁義備其漸摩克
詰戎兵聲靈彰其赫濯惟懋威之兼濟先後道本同符斯命
討之昭垂今古功歸一軌茲以西師克捷回部蕩平緬駿烈
於前型敷奏其勇遠徂征於絕域適觀厥成中外騰歡神人
協慶專官肅祀昭鑒惟歆

乾隆二十七年遣官都察院左都御史董邦達致祭 告

慈闈萬壽晉

徽號也

惟帝王本仁祖義明物察倫修人紀以綏猷則天經而立極

鄆縣志

卷之四

炎陵

祭碑

三十九

緬羹牆其可接先後攸同奉俎豆以常新楷模具在茲以

慈闈萬壽懋舉鴻儀敬晉

徽稱神人慶洽展尊親之義思克紹夫前型廣錫類之仁期永

綏夫後祿爰申祝告式薦馨香尙鑒悃忱俾膺多福

乾隆三十七年遣官戶部左侍郎范時紀致祭 告

慈闈萬壽晉

徽稱也

惟古帝王體元則天撫世誠民勲被寰區德昭往古羹牆匪
隔累朝之統緒相承俎豆維新百代之英靈如在茲以

慈闈萬壽懋舉鴻儀敬晉

徽稱神人洽慶孝道以尊親爲大式仰前型

母儀之錫類者宏永綏厚福彝章載舉祀典惟崇布臍蠻以告
虔庶靈明之來格

乾隆四十一年遣官內閣侍讀學士歐陽瑾致祭 告平
定兩金川也

朕惟古帝王德洽恩威義嚴彰瘡鋤奸禁暴昭命討之無私
輯遠綏猷振聲靈之有赫茲以兩金川大功全歲逆黨咸俘
殄餘孽於番陬戢武協求甯之志緬豐功於前代慶成覘耆
定之庥特遣專官肅將禋祀惟冀鑒歆

乾隆四十五年遣官詹事府詹事夢吉致祭 告

鄆縣志

卷之四

炎陵 祭碑

四十

七旬萬壽也

惟帝體元贊化建極綏猷澤被生民勲垂奕世簡編明備累
朝之治法相傳弓劍畱藏千載之英靈如在茲以朕七旬展
慶九有騰歡懋舉崇儀特申昭告緬當日之膺圖受籙每深
景仰之忱撫此時之集嘏凝禧彌切祇寅之念冀佑邇隆之
運永貽仁壽之庥式薦精禋惟祈鑒格

乾隆五十年遣官禮部左侍郎莊存與致祭 告

綿國祚也

惟帝體元贊化建極綏猷澤被生民勲垂奕世簡編明備累
朝之治法相傳弓劍畱藏千載之英靈如在茲當鴻圖錫美

屢紀增縣懋舉崇儀特申昭告緬當日之膺圖受錄每深景仰之忱撫此時之集嘏凝禧彌切祇寅之念冀佑邇隆之運永貽仁壽之庥式薦精禋惟祈鑒格

乾隆五十五年遣官內閣學士傅霖致祭 告

八旬萬壽也

惟帝膺圖撫運建極宜民澤洽當時聲教動寰瀛之慕勲垂奕世典章昭方冊之貽思英爽以長存秩春秋而匪懈茲以朕八旬展慶萬國臚歡懋舉崇儀特申昭告苟蕃釐於昊緯益緬皇春帝夏之隆仰景行於前朝倍殷夕惕朝乾之志尚祈來格鑒此惟馨

鄱縣志

卷之四

炎陵 祭碑

四十一

嘉慶元年遣官荊州左翼副都統成德致祭 告即位也

惟帝體元贊化建極綏猷澤被生民勲垂奕世簡編明備累朝之治法相傳弓劍畱藏千載之英靈如在茲以乾隆週甲嘉慶紀元懋舉崇儀特申昭告緬當年之膺圖受錄每深景仰之忱撫此時之集嘏凝禧彌切祇寅之念冀佑邇隆之運允貽仁壽之庥式薦精禋惟冀鑒格

嘉慶五年遣官國子監祭酒王麟致祭 告

配享禮成也

自古帝王受錄膺圖乘時御宇罔不憲天立極宥密單心故能澤洽萬方範昭百世朕寅承鴻典景仰前徽茲以嘉慶四

年十一月二十六日恭奉

高廟法天隆運至誠先覺體元立極敷文奮武孝慈神聖純皇
帝主配享

園丘禮成特遣專官虔申昭告惟冀孚熙皞之運昭安阜之風
鑒茲精禋尙其歆格

嘉慶十四年遣官理藩院右侍郎策丹致祭 告

五旬萬壽也

握符御宇徵一德一心之傳建極宜民差百世百王之等惟
帝王肇開鼎祚遞席蘿圖統元會以循環垂典謨而合揆溯

高廟寅承

鄠縣志

卷之四

炎陵

祭碑

四十二

祖志

睿吟窺升降之原撫朕躬式纘丕基治法契登咸之蘊茲以陳
疇錫慶合寓臚歡際

重熙累洽之期大衍之數五十緬駿德豐功之辟古史之紀廿
三昔年像展南薰見聞本通乎禮樂此日心齋左个馨香佇
洽乎天人用薦景蕃特申昭告山陵不遠尊俎宜歆

嘉慶二十四年遣都察院左副都御史韓鼎晉致祭 告
六旬萬壽也

曰惟帝肇握乾符遞承泰筴制禮作樂垂明備於簡編騰茂
表英留聲靈於弓劍茲以朕慶逢六秩歡洽萬民周甲錄以

提釐萃壬林而錫福知其政知其德迄今欽治統之隆作之君作之師稽古荷心傳之賜憶五旬之介社會薦維馨闕十載以升香用昭有格伏祈歆格虔奉精禋

嘉慶二十五年

次年改元

皇帝遣荊州副都統七克唐阿致祭 告卽位也

曰惟帝功存宇宙留百世之松楸德在山河有兩楹之俎豆興懷往烈肅奉精禋朕以藐躬初承大統自今日宵衣旰食兢業方殷念古來帝緒王猷典型不遠既切景行之慕宜修秩祀之文敬遣祠官虔申禮奠瞻藏弓之有地邈矣風徽問宰木以何年佳哉葱鬱神其佑享福我寰區

鄖縣志

卷之四

炎陵

祭碑

四十三

道光元年湖廣荊州副都統七克唐阿致祭 告

配享禮成也

心源遞衍球圖燦御世之謨祀典常昭俎豆肅侑神之禮惟致治莫先稽古斯率初宜重升香朕纘紹丕基尊崇

先烈廿五載

神功聖德聿符峻極於

瑤壇四千年帝緒王猷遙企遺徽於玉檢茲以道光元年四月

初六日恭奉

仁宗受天興運敷化綏猷崇文經武孝恭勤儉端敏英哲
睿皇帝主配享

圖丘禮成特遣專官敬申昭告累葉睇松楸之蔭往蹟殷懷兩
楹薦黍稷之馨懋儀載舉式攄誠悃庶格精禋

道光九年遣湖南鎮守鎮總兵陳階平致祭 告靖邊也

曰惟帝王治奉三無功彰九伐詰戎兵而肄武駿烈綏戡揚
弧矢以宣威鴻猷震疊茲以兇酋翦滅疆土孟安昭者定於
極邊共覩一道同風之盛細聲靈於列代益著萬方嚮化之
麻敬薦馨香伏惟昭鑒

道光十六年遣湖南綏靖鎮總兵官李約文致祭 告

慈宮萬壽晉

徽號也

鄱縣志

卷之四

炎陵 祭碑

四十四

曰惟帝王膺圖御宇握鏡臨宸澤被黃輿勲垂青史羹牆不
遠仰皇煌帝誦之模俎豆常新昭崇德報功之典茲以

慈宮萬壽懋舉上儀敬晉

徽稱神人慶洽天經地義紹百王致治之馨香日升月恒申億
載無疆之頌祝彝章式叙祀事攸隆致蠲潔以明虔庶神靈
之歆格

道光二十六年遣永州鎮總兵英俊致祭 告

慈宮萬壽晉

徽號也

曰惟帝承乾握紀御籙登樞璣鏡呈儀瑤華垂範羹牆如見

高山景仰之誠黍稷咸登昭明德馨香之報茲以
慈宮萬壽懋舉上儀敬晉

徽稱神人慶洽萬年大道永垂邛治之鴻猷百福來同用協吉
格 蠲之燕饗綜靈囊而肇祀陳繡盞以致虔鑒此誠祈庶其歆

道光三十年庚戌 次年改元

皇帝遣湖廣荊州左翼副都統官文致祭 告卽位也

曰功昭宇宙千秋之明德惟馨祀展

陵園曠代之隆儀備舉緬懷先烈致奉精禋朕以藐躬繼登大
寶念

鄱縣志

卷之四

炎陵

祭碑

四十五

天命民鼎之可畏夙夜不遑思皇煌帝諦之同符典型未遠肅
將享禮特遣專官靈爽常存彌切景行之慕馨香斯薦用伸
昭告之誠惟冀來歆福茲億兆

咸豐二年遣湖廣荊州左翼副都統官文致祭 告

配享禮成也

曰淵源遞衍前型昭方策之貽統緒相承明德肅苾芬之祀
緬英靈之如在稽彝典以宜遵朕寅紹丕基遵崇

先烈神功聖德深翼戴者萬方帝緒王猷紹心傳於百世茲以
咸豐二年四月初二日恭奉

宣宗效天符運立中體正至文聖武智勇仁慈儉勤孝敏

皇帝主配享

園丘禮成特遣專官虔申昭告瞻松楸之庇蔭往蹟殷懷薦黍稷之馨香明禋懋舉尙其歆格鑒此精誠

咸豐十年遣湖南布政使司布政使文格致祭 告

萬壽也

曰膺圖撫運創垂之統緒常昭錫福誠民嬪易而後先合揆維

帝王肇開鼎祚遞握乾符典章窺制作之精聲教永漸摩之澤緬先民之矩矱方策如新奉絜禋之馨香羹牆可接茲以朕三旬介祉九寓臚歡敷惠闔於遐區企儀型於往哲薪傳遙

鄱縣志

卷之四

炎陵 祭碑

四十六

湖益欽百世之隆規薈合告虔庶迓萬年之禔福載陳芬苾尙冀 歆依

同治元年遣湖南署布政使惲世臨致祭 告卽位也

曰寶籙斟元奉三無以出治璇璣協瑞禕千聖以同符惟帝王保泰垂模乘乾握紀在昔顯庸創制早啟後人祖述之思於今偉烈豐功猶隆明德馨香之報朕幼冲繼序熒疚承基惕艱大之遺投奉典謨爲法守一二日事幾兢業方塵集蓼於當躬四千年治法欽承尙冀傳薪於

先哲爰稽彝典肅奉精禋道契羹牆彌切憲章之念儀陳鼎俎用申昭告之誠惟冀來歆福茲億兆

歷代碑碣附

宋太祖命製廟碑

按宋禮志太祖命李昉盧多遜王佑扈蒙等分撰歷代帝王碑遣翰林待詔孫崇等分詣諸廟書於石 炎陵自太祖訪得於乾德五年建廟陵上遣比部員外郎丁顧言詣潭州祭告其詣廟立碑亦因五代百司廢墜匱神乏祀特為修舉碑文暨分撰詣廟書石諸人俱無從攷

宋羅泌題炎陵碑

神農有天下傳七十世在古最為長世者葬於茶陵見於郡國志帝王世紀予作路史紀之詳矣後十有五年始獲

鄱縣志

卷之四

炎陵 外碑碣 四十七

拜陵下摩挲古杉俯歎石麟追憶曩昔恍爾隔世淳熙十

四年正月乙卯廬陵羅泌書 清道光八年春二月湖南

督學使者歙縣程恩澤篆 知縣沈道寬立

按此文本路史未云泐石

陵廟衡州府志鄱縣志炎陵初誌均載之亦未言為碑也然邑鹿原父老相傳鄱與廬陵接壤羅長源親拜陵下實書以泐石閱世以來佚已久矣今補刻一碑嵌於廟壁亦以存古蹟云爾

國朝刊立墓碑

炎帝神農氏之墓

康熙三十五年大祀官王紳邑令徐源甫立

炎帝神農氏之墓

道光十七年重修邑令俞昌會敬泐

按前後二碑

正中七大大字朱地金字

在陵前

國朝聖陵石刻

邑有聖陵 乾隆十七年衡州府知府黃岳牧刊

按石刻橫列四大字在嶠頭嶺下

國朝鹿原坡石刻

鹿原坡 黃岳牧題

按石刻橫列三大字在龍爪石上

國朝刊立墓道碑

炎帝神農氏之墓道 道光七年知縣沈道寬立

按碑繕書八大字在陵界井水泗上

沈云周禮冢人墓大夫注疏冢封土為丘壠象冢而為之墓冢塋之地孝子所思慕之處秦漢已下天子之丘謂之

鄱縣志 卷之四 炎陵 祭碑 四十八

陵亦是象丘陵為之也吳越春秋祭陵山於會稽注陵山禹陵之山先秦古書帝王冢皆不稱陵陵之名自漢始水經渭水注三秦記皆云秦名天子冢曰山漢曰陵是天子冢六經固無稱陵者以周禮公墓邦墓論之廢人言墓君公亦可言墓 炎帝葬茶鄉宋人猶謂之天子墓見路史則炎陵兩碑書墓書墓道蓋從古云爾

勝蹟

邑人譚楚題山水記曰自宋慕容延釗平湖南而人持兩火之夢入感藝祖於是 炎帝之陵始著吾鄱題初至其間見夫若山若水孰為趨承孰為結構未能悉也厥後遊覽自適遍歷神區而後恍然有得矣蓋自南贛歷兩桂知嶺表之山勢自南來以達於茆花嶺者為陵遠導而吳西吉州之永新永甯兩邑山勢東來者為陵右翼其龍泉山

勢南聯萬陽時霞橋而立者為陵左翼故形勢家謂陵與
粵東之南華寺地脉相通誠然若夫泚水會雲秋水而合
流則襟帶也匡廬與衡嶽山麓綿亘綴於雲秋之山則樹
屏也登陵而望千巖萬壑皆如摺笏羅拜洵非繼天立極
之聖人烏足以當此

白鹿原 **一統志**炎帝陵所在**舊志**原周二里許岡巒特

起南列雲秋環以泚水古木古杉殊形異狀皆數百年物

真神靈奧宅也 長沙毛國翰詩萬古靈秀鍾茲山乃奇最
憑高一以眺四野浮青靄佳氣盤鬱蔥泚

水縈如帶川原相回合奔湊千里外乾坤繞幽宮風雨蔽
楚塞信是神靈區遺文自前代百靈時復來陰陽互明晦

昨過蒼梧野九疑暮相對不復見朱鳳古木展旌旆及茲
秋禾登渺然懷秉耒 邑廩生陳俊迢詩鹿原何嶽崎雲

秋清漣漪千峯萬谷怒濤湧驚龍出海來相窺山底縈紆
石路細攀躋咫尺筋力疲側看古木樹旌纛駢羅眾阜如

孫兒怪底鴻蒙有此境蟠桃幾熟三千期東海吹風作平
地卷石愕立陰陽施天遣山靈護遺迹凡庸化盡留神奇

鄱縣志 卷之四 炎陵 勝蹟 四十九

兩後耨犁映松柏居民尙有炎皇思守陵欲問無懷氏為
訪崖陰看帝基

鹿原洞 一名鹿原土人稱為土窟**路史**云梁坑有轍跡**舊志**

云古木掩翳深窅莫測昔有人覓牛下見洞中空廣昭豁

不敢深入邀人諦視其處祇見古石嶙峋 元江存禮詩自
昔神光耀九垓

何年來葬楚江濱斷碑獨載前朝夢喬木猶含太古春南
極海波同浩渺蒼梧雲氣共嶙峋長茲金碧重門啟來酌

椒漿日有人 邑人羅士彝詩定是仙家玉藥宮朱陵路
與此間通看誰拍手騎龍石雲氣回旋紫蓋東

龍腦石 在陵左**炎陵初志**岸畔偃伏狀若龍首石形蜿

蜒如龍爪者**三舊志**云昔人稱臨溪怪石即此泚水奔注

噴薄宛如鼓響欲飛 國朝司訓毛瓚詩元潭深不測窟
穴通滄溟下聞真龍潛雲氣長冥冥

擎雲隱怪石忽露雲中形蟠攫勢欲飛出沒如有靈安知
學變化不更隨風霆波齧霜雪色淨無苔蘚青影入洞穴

異煙騰岩嶠腥臨深一回首蒼茫愁晦暝

龍潭 在陵北舊志潭深而清遊鱗百種每於波平日暖

與水光相上下夜則水月交融清瑩可鑑炎陵初志中方

石如印相傳舊有銅碑宋初沒入潭中明尚書王詔詩銅碑沈已久陵下問

幽潭抱寶龍應臥臨流客欲探莫填精衛石空駐鹿原駭

渺渺煙波裏榮光萬古涵衡州知府陸志孝詩仙泣秋

風裏駝悲蔓草中從知滄海變盡付幻塵空此碣開溇古

當年紀聖功煙波憑指點寶氣溢龍宮國朝教諭毛國

與詩羣峯臨谿斷峭壁立蒼石壁色入元潭幽陰毒龍宅

涵虛太陰黑倒影天光碧神物無處所吞吐日輪赤疑穿

冥漲飛猶存太古迹到今雲氣噓裊裊半岩白翻愁雷雨

夜更觸地軸拆秋毫寫榛莽空明蕩沙磧踟躕危崖端蒼

茫動精魄知縣沈道寬詩炎劉御世弛銅禁熊光寶礦開

堂狼種包席裹四方走向年運致來茶鄉五丁力士自鑪

鞴鑄成豐碑十丈強巍巍厲山傳帝德遺聞軼說碑應詳

龍門司馬號愔史但紀五帝遺三皇空教裔孫補其缺搜

鄱縣志

卷之四

炎陵 勝蹟

五十

羅不備典籍亡靈臺千言紀堯母魴魚比目言非荒安知
此碑所鐫刻不有聞見超尋常指磨天眼照賜胃師資藥
獸鍼膏育惜哉秘籍天所斬鳥策篆素古莫當老蛟攫取
入巖穴洪濤浩漾空滄浪九疑之碑亦銷滅迢迢南楚遙
相望我欲捃摭補前載天地大文嗟闕藏君看百頃龍潭
上至今午夜生光芒邑庠生周本鎬詩何時鏻鑄阿誰
書可向寒潭問太初千載榮光波浪底英英雲氣若龍虛
轅之鏡神禹鼎圖物見有神鬼工炎皇御天肇粒食厲山
翹企巍巍功鑄成豐碑示後世永與農書相始終漢軍已
建伏波柱馬蹟猶在响樓峯山靈何意闕奇迹不使混沌
開愚蒙鞭驅夔魑策罔象萬鈞界入鯨龍宮天門街對焉
是處寒潭寶氣摩蒼穹史官擗摭不求備惟收篆籀遺鳥
蟲我思剛書自孔氏見於他說庸盡同娜媛秘籍渺聞見
安知此碑無折衷神物傳世任顯晦所嗟大文難復窮竹
牒徑從卯金授聚以所好精誠通

楊錢洲 在龍潭岸北寬可數十畝舊志春來細草匝地

野花成叢宛如錦茵邑司諭毛國與詩平洲碧草尚萋萋山路秋風曷旦啼幾處田園收晚稻

數家烟堽隔荒畦溪聲繞石回林際雨色和雲過嶺西
尺帝邱陵廟在欲將耕鑿訪遺黎長沙毛國翰詩春
洲媚幽渚初陽麗芳甸宿草懷新榮微風美餘扇春間遠
烟靜烟際墟里見露重花氣清樹暖流鶯轉折麻將誰遺
所思不可見惆悵薜蘿人含情隔沙堰

空樟洞 炎陵初志云在白鹿原江岸形如石鼻舊產大

樟橫亘中空若洞昔人攜几席鷓鴣啄其中明末忽崩仆

閣學士劉三吾詩莫怪風雷此震驚茫茫天道世難明帝
王所在神長護陵谷從來變幾更藥徑晴疑鞭影赭杏英
香送祭時錫廟庭一拜何須問還聽原頭白鹿聲

黃楊山 陵面朝山也炎陵初志兩峯相對如幢蓋狀若

列旌拱衛至尊者然冥岡巒互騰踏攀緣陟層壁百轉青

翠匝雲氣中縈盤舉頭雙峯合陰壑秋霜凜陽崖春藪雜
烟雨迷晴空朝嗽吐還納樵聲在空谷丁丁幽響答下視

鄱縣志

卷之四

炎陵 勝蹟

五十一

鹿原野溪山爭合沓帝邱闕精靈青天隔閭闔日暮出翠
微長風自爽颯回首西林寺雲邊老寒衲

霞橋 在天使館一里許炎陵初志雨後初晴有赤氣蒸

鬱其間望之如金光散綺霽絮雲飛小步霞橋對夕暉亭

外杜鵑花競豔畦邊菘竹筍初肥清流曲折環丹閣古木
陰森護翠微正喜吾民農事急荷鋤帶月返荆扉

天池 一名洗在天使館後巒頂面有積水一泓冬夏不涸

故名 攸邑太史夏恒詩樹密雲色深峯回徑頻轉夕陽在
巖椒褰衣陟西巘百盤凌絕頂苔磴滑難踐豁然山

勢開峭削忽平衍方池足半畝云水清淺黃獨無遺苗
椶林有葉卷大藥不可求百年復誰免欲尋味草迹空亭

倚高顯 邑諭彭之曇詩丹壺浥露瀟湘笑把蘭蓀入
佩囊原上春風吹不斷至今池畔有餘香知縣李朝事

詩曾嘗百草療羣生千古靈根兩岸榮遺跡漫教烟雨冷
木樨香裏構崢嶸

飛香亭 在天使館右舊志宋初遣使致祭時一葉飛墜

其葉文理黝色若縷繪雲物中藏異像者然

建亭識之顏曰飛香久廢 道光七年邑監生唐湘英重

建知縣沈道寬隸書飛香舊蹟四字泐碑亭內 攸邑太史夏恒詩萬

木滴新綠衣袂沾微馨拾級陟斜磴花雨灑冥冥岸粵勢

一東曠然開林坳徙倚滌塵穢欲構雲邊亭亭前俯秀野

亭後張翠屏何當結構半夔魁不敢經崇巖起天末爐煙

浮空青飛香渺何處露葉宵泠泠 邑司諭毛國與詩宿

霧殊未已氣轉幽巖長古色入谿澗但看青翠光息心坐

空亭時有白雲香輕風一汎淺半襲芙蓉裳春來發潛潁

地靈棲眾芳野人事東疇荷鋤及初陽感此念鄉邑園亭

溪水傍 味草亭 在奉聖寺右舊志昔傳帝辨藥於此建亭其上

傍植木樨數株花時芬馥異常久廢 道光七年庠生周

本鎬重建知縣沈道寬隸書味草遺蹤四字泐碑亭內 知縣

鄱縣志

卷之四

勝蹟

五十二

沈道寬詩二首何代風流宰雙亭初造新葉香飛鬱勃原

草味甘辛我輩數前載相期步後塵亭今無片瓦况乃作

亭人 經營占勝景結構幽奇顧我成新築安知非舊

基樹林依翠巖雲影倒清池風物千秋在他年嗣者誰

攸邑太史夏恒詩茲山自太古人事遞更變巖壑闕幽姿

斜陽有餘絢亭臺可從古取適貴乘便其高宜登眺其下

快遊宴遺迹渺難尋烟霞爲子揀梯石翠微際佳處每留

戀遠近延野秀層岫遞隱見藉草映碧林微涼晚風善

詠豐臺 在陵南山左面對雲秋峯俯瞰楊錢洲 道光

七年前任江西玉山縣縣丞羅銅章建以歲無旱潦民歌

屢豐故取神農氏豐年之詠以志喜云知縣沈道寬正書

詠豐臺三字泐碑臺上 攸邑太史夏恒詩虛壑起笙鏞古

鳥怪石呈奇觀擎空攫龍爪何時窺雲下作勢翔天表

臺於其巔林泉相繚繞長天凌空闊澄潭俯浩淼農稻

餘潤秋來堪一飽前溪聞野謠烟火隔籬小 長沙毛

隔水傍邨落微風起清吹竹外田父歸烟火暝林隱喜看
秋禾熟井稅輸官吏平疇暮雀飛涼露委餘穉農家第所
願一飽安疏食媿茲雨露恩幸有困廩積泯然懷太古勤
我田園意行歸東皋上細話桑麻事又銘炎精之皇漢
水之陽斲揉其木耒耜迺天開稼穡地獻井疆載跡載
跋芄野窮髮惟櫟斯燒惟土斯垓迄用降康邦國是活邢
天作樂迺咏登來鬱鬱帝墟有確其臺用勒巖石敢傲汗
萊邑廩生羅鑑章詩豐樂誰追六一蹤陵前結搆俯千
重地深雨露從新闢林霄烟雲在自封千畝稻田通洙水
萬家醺酒祝神農秋風一上高臺望野老行歌策短筇
安邑庠生張念劬詩捲取黃雲歲屢豐登臺憑眺畝南東
耕桑有福皇靈在雨露無私盛世同龍石樹蟠秋徑
外鹿陂泉響野烟中湘醽訛向原陵祝鼓腹紛紛唱晚風

致荆州圖記所謂神農穴神農宅者固 帝鍾祥之勝地

也他如神農城神農泉神農井之見於風土記上黨記郡

國九域諸志與任述意所云大原神釜岡有神農嘗藥鼎

鄱縣志

卷之四

炎陵

勝蹟

五十三

成陽山有神農鞭藥處皆以遺蹟盛傳况鹿原為陵寢所

在乎茲據 炎陵初志勝蹟一卷信而有徵者附載十二

條其間某山某水拱衛結構之勝悉登山川形勢關隘各

門至安仁洗藥湖茶陵鞭藥石潞水古坑又當闕疑附錄

縣教諭邑人羅士彝記鄱西行三十里起伏蜿蜒眾山奔
赴星羅碁布儼若金湯入其境古樹蔭翳長松攬翠鬱鬱
蒼蒼其狀匪一蓋神農氏故墟也前有黃陽山兩峯對峙
如樹旗蓋列旌矛中如覆盂不啻肅章甫朝至尊焉江流
襟帶有武夷盤折黃河九曲之勢石巉巖而壁立疑人疑
鬼山窳崑以響應大耶大鳴不獨周圍環匝宛然長居羅
拱也宜望氣者以為神靈之所宅云

雜說

發鳩之山有鳥焉名曰精衛是炎帝之少女娃遊於東海

溺而不反化為精衛常銜西山木石以堙東海山海經

赤松子服水玉時為雨師師教神農列山傳

神農丁亥日死丁未日葬五行書

世紀云神農葬茶鄉稱圖經云茶陵者所謂山谷生茶茗

也地有陵名者皆以古帝王之墓竟陵零陵江陵之類是

也路史註

古今通系系炎帝在位之歷帝承六十年臨八十年明四

十九年直四十五年來四十八年哀四十二年榆罔五十

鄱縣志

卷之四

炎陵 雜說 一

年小司馬史記乃有魁無臨而通鑑外紀神農後為臨魁

六十年帝承繼之帝承六年諸書不同世紀等不逾此夫

神農七十世以炎黃在位觀之不下數千百年而命歷序

等類以為八世五百四十年此所以致傳記之紛紛且以

炎黃為世皆踰百載其子孫無一及於百年又皆上下於

四五十年間知其難據路史註

粵自慶甲至小帝皆兆茶陵今陵山尚有二百餘墳蓋后

妃親宗子屬存焉路史

世紀云神農母任姒有僑氏女曰女登非也孰有一姓而

任僑兩國者蓋任姒乃帝魁之母世多以帝魁為神農因

舍之路史註

宋太祖撫運爰即貌祀路史是時詔修先代帝王祠廟至百

二十間以上令禮院立定配享功臣檢討儀相炎陵廟像

止為王者衣衾戴冕路史註明嘉靖間爰易貌服龍表角立

繪木葉為衣不用衾冕

國朝因之

隨州像服記隨之厲鄉炎帝所生民因廟祀至今

畏之廟有帝像而牛首皇甫謐之徒嘗主此說甚矣傳之

者之誣也炎帝之見於書者多矣包犧氏沒神農氏作斲

木為耜揉木為耒耜之利以教天下此見於易者也厲

山氏之有天下也其子曰農此見於禮者也炎帝氏以火

紀官故為火師而火名此見於春秋者也易禮春秋之述

如此而已矣不聞其牛首也借使信然好志怪者莫如左

氏何無一言及之彼天地之始其荒忽寂寥樸質醕魯則

有之矣若夫人之形豈有禽獸類哉或者帝以教民耒耜

鄱縣志

卷之四

炎陵雜說

二

故名為神農牛者農之所資也習俗相沿因謂帝牛首此

非君子之所信也宣城楊侯之治隨最重神事受政之始

使屬吏代謁廟下因治廟祠將完繕之吏以像告侯曰妄

述古先以演聖人此皇甫謐之過也吾不可以不革即易

舊像而寃

胡國名真官者帝從臣帝病告以當葬南方視旗所羸遇嶠

而止今中途嶠嶠也帝葬此真官因佐廟於帝旁以年

久廢宋淳熙十三年守臣劉清之奏於陵近復置真官廟

以陵前唐興敝寺為之將命工未竟而去

鄱人言炎帝陵凡遇告祭則數里之內有聲殷殷若雷人

皆聞之如此數日禮畢而後止守土官春秋祀則否詢諸

鄱令周君仕魁云莅任已兩遇告祭無不共聞殆猶孔子

盛變色之意歟神聖靈爽久而愈赫如此瀟湘聽

順治七年逆弁蓋遇時率其子蓋世雄統兵萬餘駐陵里

許有軍校罔法取陵廟壁木板蔽營是夜軍中皆火撲之

屢息屢發賊不能解甲卧旋又見金甲神衝笑幃幄翌日

遂拔營去炎陵述古

陵旁有古杉二株大數十圍明初人多腐其屑為香患風

熱煎飲輒效偶有媒之者正統十年八月十九日天氣清

朗忽大風雨雷電遂焚其本其旁木雖錯雜而枝葉完好

又舊有樟亦大數十圍名曰龍爪下有孔秋冬水涸獾多

伏藏於內成化間居民因積草於孔焚以熏之是年粵東

鄱縣志

卷之四

炎陵 雜說 三

南華寺僧皆病喉疾及考其日正熏獾之日也諺云頭在

雲陽葬天子尾在南華作寺場蓋其地脉相通然也炎陵初志

歷代以來每逢大祀先期必有風雨名灑壇雨雖旱天烈

日其應不爽土人以為占候至今洵然炎陵初志

宏治間頻年大旱九年夏陵前竹皆成實炊之可以止饑

至九月近陵處天雨物如麥縣志

順治八年辛卯夏五月大水泛溢從蛟潭暴至房舍漂沒

田畝沙壅人民溺死甚眾縣志

附載課農雜記宋范仲淹詠農五古詩云聖人作耒耜蒼

蒼民乃粒國俗儉且瀟人足而家給九載襄陵禍比戶猶

安輯何人變清風驕奢日相襲制度非唐虞賦歛猶呼吸

傷哉田桑人常悲大絃急一夫耕幾壠遊惰如雲集一

叶幾絲綺羅如山入大平不自存凶荒亦何及神農與后稷有靈應為泣吾邑近日民情習弊可慨炎陵在邇吾恐神農氏有靈未必不為斯蚩蚩者泣也生逢盛世雖間有蛟龍之崇初非九載襄陵可比有田數畝足為衣食之計予故錄此詩於齋壁以為子弟戒且為吾邑人警

茶陵睦鄉有潞水兆相傳炎帝先卜葬於此弗吉乃歸棲

鹿原今潞水尚有古坑土人猶呼為天子冢云縣志

著不常見間於陵旁獲之叢生條直高五六尺多者五十

莖秋後花生枝端紅紫如菊花結實如艾實味苦澀莖亦

似艾冬間收采以末大於本者為主炎陵初志

蘭生陵間暨近陵山澤有四時四種春夏開花者葉細而

長秋開花者葉大而澤冬開花者葉差大其花芬馥異常

酃縣志

卷之四

炎陵雜說

開時有露珠一滴在蕊間曰蘭膏仙家謂之沆瀣昔有飲

此者輒仙去云炎陵初志

陵間舊產綬文雞即鷓也項有紫囊內藏肉綬如幅錦采

色煥爛可愛頭上兩翠角二寸許俗呼角雞又有白鷓形

似山雞白質黑章尾長三四尺距觜純丹爾雅所釋白鷓

也炎陵初志

衡山縣吳集楊山祠碑云祀太古靈侯或謂是神農臣也

神農崩葬茶鄉侯哭從至此疑即歿於此故後人立祠祀

之殆亦白阜赤冀之傳與嶺南開詳

陵西北十餘里有藥湖屬安仁境相傳為炎帝洗藥處湖

方廣訖許澄澈如鑑底成紫綬文湖畔生草深冬不凋縣志

春二三月水漲時有大鯉率羣逆流而上過斜瀨王家渡

等溪至陵前土人謂之朝帝 帝炎帝也沿溪多以杉枝

葉縛成一束沈於水鯉即卵育於其上漉取養之池塘雜記

炎陵下龍潭依岸墜一大方石父老相傳云昔有摸魚者

沿岸摸之忽見有穴穴口僅容人摸魚者入穴行數十步

使開明朗然有棺一具制亦古棺前有新鮮山果雜陳焉

方驚疑間旋簌簌然一大鼠至又啣果陳棺前而去摸魚

者腹飢竟取啖之尋復出至家與家人言如此明日率家

人往觀已仆一大方石閉其穴口不得復入其棺究莫考

鄱縣志

卷之四

炎陵 雜說 五

為誰氏之棺也人有以為即 炎帝者妄課農雜記

炎陵昔多鹿且曾產一白鹿故其地稱白鹿原祭陵亦每

設鹿俎後居民漸密鹿漸少猶循例必獵致之今則絕跡

矣遇

國家慶典告祭之年近陵諸山必早有麋鹿族類出於其間

獵者遂預知

天朝遣官祭陵也如鹿脯鹿醢即以麋鹿代之課農雜記

康熙七年宗人府丞高念東先生奉

命致祭 炎陵其時鄱邑屨經兵燹遺民無幾咸以繼騷為慮

先生至行李數肩齋居茹蔬屏置一切供張入役亦無煩

擷且目擊凋殘情狀訪聞賦役疾苦還京上疏亟請

鄴民感戴維深有碑詳載藝文課農雜記

客臆隨筆炎陵諸山中多梓木中琴材沈栗仲先生宰鄴

得舊梓木七尺餘陵間千歲物也琢為琴名炎陵文梓銘詞

云青牛文梓生自沫泉千歲而僵霜彫露鐫布以金徽繼以朱絃流聲奔祀為木延年

客臆隨筆沈栗仲先生踰年春祀至陵過溪橋駕兩木焉

諦視之曰此梓也遂命胥役購他木易之取而歸斲其近

朽者又製琴七均名曰炎陵文梓各繫以銘一云伊溪橋駕文梓違其

材木之趾取為琴中宮徵歷百世配君子一云炎陵之梓中含希音棄置原野日炙雨淋我取其材斲為雅琴山

空水清鶴唳猿吟一云千年妙質佳且久用違其材乃速朽文軫朱絃木之壽一云伊良材東邨曠走埃壙踐

鄴縣志

卷之四

炎陵 雜說

六

雞犬組朱絃設文軫收其用未為晚

有友自鄴歸贈予茶餅二百枚題其緘曰炎陵茶餅非茗

莛種也煮而啜之味有餘甘因憶胡嶠詩沾牙舊姓餘甘氏破睡須封不夜侯陶

羹詩生涼好喚雞蘇佛回味宜稱橄欖仙似可當之友云封置數年尤佳可除病想

亦赭鞭之餘猶為古聖人效靈者與二研齋叢話

鄴鄉人凡遇旱澇癘疫多於陵廟祈禱有議其褻瀆者不

知大聖人德贊化育福眷生民於祈禱何嫌九疑舜廟自

唐李商隱有所雨文柳宗元有所晴文而罷奏南琴停吹

西瑄廓天倪而佑昨心也久矣炎與虞一也第祈禱者必

宜潔脩蘋藻以獻精誠而亦腳蓬頭男女雜沓在祈

二研齋
叢話

神仙錄載蒼梧女道王妙想見有千乘萬騎羣仙擁從而
下者謂之曰吾乃帝有虞氏教以脩道之要授以駐景靈
丸後遂白日上昇集仙錄載九疑女冠魯妙典有神人語
之曰此山大舜所理天地之統司九州之宗主也授以靈
藥仙去此由道家書謂舜厭治天下脩道九疑仙化蔡中
即九疑銘曰解體而昇託靈神仙二說之悖謬倡之炎
帝師赤松子而聖於藥者近陵亦有白鶴山之仙金花巖
雲秋石室之仙女未聞 炎帝授以上藥 炎帝在天幸
不受羽衣寶冠之誣已

二研齋
叢話

鄱縣志

卷之四

炎陵

雜說

七

或問鄱與甯遠俱有獠崗虞陵大祀時祀獠崗長率男子
婦女百餘人至陵廟分列兩行男帕首擊長腰鼓吹笙歌
舞女辮髮纏三小竹於髮為椽綉紅絨布覆其上如幔屋
婦人戴黑油笠花裙衫跣足羣相和歌事畢主祀官照
例發賞炎陵祀典何無獠人歌舞甯遠獠崗即在九疑近
地差遣甚便且使之悚然干羽格苗之靈而馴擾於禮教
亦善制也若鄱之獠崗山路崎嶇隔炎陵百里必如虞陵
差遣則踰巖越谷奔走數日不勝煩苦之憂此又所為撫

恤之焉爾

二研齋
叢話

